

Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmansdorff ad
Laitam Bonus Ordo Triplicis Formatæ Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Concio Tertia. Textus: Gaudium magnum. Thema: Gaudiosa hæc est dies,
quia omnibus fructuosa.

[urn:nbn:de:hbz:466:1-51763](#)

PRO NATALI DOMINI.
CONCIO TERTIA.

Gaudium magnum. Luc. cap. 2.

Textus;

Gaudiosa est dies Natalis Christi, quia omni homini est fructuosa, ac utilis, &c.

Thema.

N Die Natali magnorum Dominorum, ac Regum festa gaudiosa celebrata sunt, sic legimus Genesis cap. 40. quod Regis Pharaonis Dies Natalis quotannis magno gaudio, & festivo tripudio celebratus sit. Idem Marcus cap. 6. de Die Natali Regis Herodis memorat; ast hæc gaudia & Festa Natalitia non erant sine luctu, sine læsione proximi, in natali gaudio Pharaonis perit peccator, pistor suspenditur; in natali gaudio Herodis Regis, Joannes, qui reus censebatur, interficitur, decapitatur; dein gaudium hoc natale solùm erat unigeniti, gaudium & tripudium tantum pro nobilioribus, plebs exclusa erat. Natalis est hodie dies Christi Jesu, Regis Regum, Domini Dominantium, gaudiosa dies, sine luctu; non enim periret vel condemnatur, sed in gratiam assumitur perditissimus quivis peccator; gaudiosa Dies, Dies Natalis Christi; non unigeniti, sed universo orbi; gaudiosa Dies, Dies Natalis Christi; non tam probis, quam reprobis, Patres. non tam iustis quam etiam peccatoribus, non tam Primoribus, ut Regibus, Principibus, quam etiam vilissimis, pauperrimis homuncionibus. Audiatur Leo Papa: serm. 1. *Non enim fas est, ut sit locus S. Leo.* tristitia, ubi natalis est vita. Et iterum eodem sermone de Natali Domini: *Exultet sanctus, quia propinquat ad palmam, gaudeat peccator, quia invitatur ad veniam; animetur gentilis, quia vocatur ad vitam.* Aurelius scribit S. Augustinus: *Deus factus est homo, ut homo S. Augustinus fieret Deus; Deus factus est servus, ut homo sieret Dominus; Deus descendit ad terram, ut homo ascendat ad celum.* Conformiter S. Bernardus nardus hom. 4. super missus est: *Magnus Dominus, quos ut faceret maximos, factus est parvulus.* S. Maximus Episcopus ita intonat: *Fu- s. Maximus stissime fratres festivitatem presentis diei in omnem se gaudium totus ubique suscitat mundus, quia hodie promissus a seculis, universo orbi*

I

Judex

Judex natus est, & Redemptor; Concludit S. Gregorius: Cæli Rex, terram nostram a carnis assumpsit, infirmitatem nostram illam Angelica celis irudo non deficit. Hom. super hoc festum. De super Conceptus pandam.

CONCEPTUS I.

Longo tempore pressi erant Judæi sub dura servitute Pharaonis (describe per longum ex libro Exodi cap. 1.) tandem Deus misertus afflictorum, misit ad populum Judæorum Moysen, qui ex dura servitute eos liberaret, & ad patriam, terram inquam promissam induceret: ut legere est lib. Exodi cap. 3. Quis sati explicare poterit, quantum gaudium inter Judæos fuerit, cum Moysen Salvatorem adesse intellexerint. Ob peccatum Adæ in servitutem Daemonis, Pharaonis, conjectum est genus humanum; omnes homines sclavi & mancipia dæmonis effecti sunt, ac sub durâ hac servitute nimium ingemuit humanum genus; hodie mittitur à Deo Patre Moyses Novi Testamenti, Christus Jesus, qui genus humanum è servitute dæmonis liberet, & per mare rubrum sanguinis sui, in terram promissam, & electam, gaudia inquam cœli inducat. Gaudet nunc captivus, si in libertatem se restitui intelligit; ac patriam suam revisere assecuratur, gaudium ergo magnum hodie hominibus &c.

CONCEPTUS II.

De Agar narrat Scriptura, Genesis cap. 16. ob malitiā ex domo Abrahæ expulsam, in deserto vagam errasse, ac de vita periclitasse; adstat tristi, & summoperè periclitanti speciosus puer, qui viam, quâ periculo evadat, monstrat, ad semitam, & tutam viam deducit; & quantum gavisa fuerit Agar, viso hoc viâ duce, & indice! Ob malitiā nostram expulsi sumus e Paradiso, ac jam aliquot milienis annis in deserto hujus mundi summo animarum periculo erravimus; hodiè natus est speciosus Juvenis Christus Jesus, qui nobis iter tritum, viam tutam ad paradisum demonstrat, meritis suâ natitatis in gratiam Dei Patris dirigit; ac in domum Dei iterum pervenire, fidus comes deducit; gaudet nunc peregrinus, qui fors in sylva deviat, dum viator obviat, qui viam tutam, & rectamei monstrat;

frat, gaudeat hodie omnis homo, quoniam hodie obviavit nobis errantibus, & periclitantibus peregrinis in hoc mundo Christus Jesus; viator & ductor noster fidelissimus, & expertissimus.

CONCEPTUS III.

Narrat Joannes cap. 5. hominem 38. annis ad piscinam languidum jacuisse, & pauper non poterat convalescere, causam indicans: *hominem non habeo*. Advenit tandem aliquando homo, qui hunc languidum juvit, ut ad aquas perveniret, & sanitatem reciperet; & quantum gavisus sit ille languidus, hominem adjutorem dum acquisivit! Hic languidus est genus humanum, jacuit ad 4000. annorum destinatum genus humanum, nemo nec e coelo nec e terra adjuvit; ast hodie venit homo adjutor Christus Jesus, qui meritis suis lethaliter infirmum genus humanum, ad aquas baptismatis adjuvit; media qua aqua, sanitatem animae recuperat, culpam Adam abolet. Gaudet nunc qui longa infirmitate, aut alio morbo afflatus jacet, dum quis homo advenit, qui eum sanat, & restituit. Gaudeat ergo humanum genus, quoniam a lethali febri aeternae mortis, per Jesum hodie hominem factum, liberatum, & sanitati integrare restitutum est.

CONCEPTUS IV.

Dum Saul de Tribu Cis in Regem a Propheta Samuele proclamatus est, quis dubitat, quin non omnes de tribu & familia Cislati sint; certò gaudent parentes, gaudent consanguinei quando eis venit nuncium, filium, vel hunc de stemate eorum consanguineum, in magnum Dominum evaluisse: Sic inquit Jacob auditio nuncio filium suum Joseph regnare in Aegypto: *Fam letus moriar*: Genes. cap. 46. Christus Jesus Dei filius secundum carnem nobis Frater factus est, dum hodie carnem humanam induit, & *Homo factus est*. Joan. cap. 1. Hic homo Christus, frater noster, & quantum exaltatus est! *Data est mihi omnis potestas*, inquit Matth. 28. gaudeat ergo natura humana, quæ, quia divinitati conjuncta est, non potest nobis non proficere, & fructificare.

CONCEPTUS V.

Refert cap. 5. libri Esther: Signum gratiae Assiriis fuisse, si Rex virgam auream erga aliquem hominum extendisset, ut experta est Esther I 2

sther, quæ, quia virgam suam auream Ailverus erga eam extendit, gratiam cum omni populo Judæorum invenit, libertati restituta, vita donata est. Dicitur Christus Jesus *Virga de radice Jesse*: Isaïæ 11. hanc Virgam, filium suum inquam, hodie Rex Regum, Pater æternus, erga omnes homines extendit, *natus & vobis* Luc. 2. Gaudet nunc reus, si gratiam, si misericordiam accipit, ergo gaudeat omnis homo, cum omnis homo hodiè gratiam Dei, & misericordiam invenerit, per Jesum Christum, gratiâ, & vitâ æternâ donatus sit.

Epilogus.

Gaudium suum homo demonstrat voce, & opere, voce jubilando, canendo, psallendo, &c. opere, donaria, missilia spargendo: gaudium nostrum demonstrando, vocem mittamus; precando & psallendo crebrius, & copiosius ad præsepe Christi. Spargamus & missilia; largas inquam eleemosynas in pauperes; convivium instituamus, devote Eucharistiam sumendo, ut gaudium nostrum fiat plenum in æternam vitam. Amen.



PRO